

Kekchi - Ratawankil Santil Hu - Lust Scriptures

Éxodo 15:9 Li xik' na'lok qe kixye: «Tinxik chi xchapb'aleb', toxintaweb'. Tinjek'i li k'aru reheb', ut taak'ojlaaq lynch'ool; twisi lynch'iich', ut te'sache'q ru xb'aan li wuq'».

Éxodo 18:21 Ab'an sik'eb' ru li winq seeb'eb' xch'ool sa' xyanq li tenamit, li neke'xxiwa ru li Yos, tiikeb' xch'ool ut aj tz'eqtaanahom re tuminaak, ut k'eheb' xwankil sa' xb'een li tenamit: wan te'xjolomi lajeetqk'aal rox o'q'ob' (1,000), wan o'taqk'aal (100), wan lajeetq roxk'aal (50) ut wan chik lajeetq.

Éxodo 20:14 “Matmuxuk sumlaak.

Éxodo 20:17 “Maarahi ru li rochoch laawas aawiitz'in. Maarahi ru li rixaqil, li winq ut li ixq li neke'k'anjelak chiru, chi moko li xb'ooyx, li xb'uur; tik maak'a' ab'i e taarahi”.

Números 11:4 Sa' xyanqeb' laj Israel wankeb' laj ab'l tenamit li junes wa'ak neke'xk'oxla. Toja' naq eb' laj Israel ke'ok chi wech'ink rik'in xyeeb'al: “Ani tawi tk'ehoq qatib' re tqatzeka?

Deuteronomio 5:21 Maarahi ru li rixaqil laawas aawiitz'in, chi moko chara ru li rochoch, li xch'och', li winq ut li ixq neke'k'anjelak chiru, li xb'ooyx malaj li xb'uur, chi moko li k'a'aq re ru wank re», chan li Qaawa'.

Deuteronomio 12:20 “Naq li Qaawa' laaYos tixyu' ru laana'aj jo' kixye aawe, ut laa'at taawaj tzekank tib', truuq taatzeka, a' yaal jo'q'e taawaj.

Deuteronomio 22:22 “Wi taatawmanq junaq winq yokyooq rik'in junaq sumsuukil ixq, te'kamq chi xkab'ichaleb': taakamq li winq xyoklaak rik'in li ixq ut jo'kan ajwi' li ixq. Chi jo'ka'in taawisi li ink'a' us sa' xyanqeb' laj Israel.

Josué 7:21 A'an a'in li xinb'aanu: sa' xyanq li k'aru xqachap sa' li tenamit Jerikó xwil jun li ch'ina'usil t'ikr re Senahar, lajeeb'k'aal chi tumin plaat ut numenaq tana jun liib'r chi oor, k'ajo' naq xe'wulak chiwu; ut xink'uulaheb' cho'q we. Muqb'ileb' sa' ch'och' anaqwan, sa' xyi linmuheb'aal, ut chi rub'el wank li tumin plaat”, chan.

Salmos 10:3 Li yib'ru xna'leb' naxnimob'resi rib' rik'in li naratawin li xch'ool; k'ajo' naq laj pix naxtz'eqtaana ut naxmaa'usila li Qaawa'.

Salmos 78:18 ke'xyal rix li Qaawa' sa' li xch'ooleb' naq ke'xtz'aama xwaheb' chi q'axal yo'oon.

Salmos 78:30 Ab'an toje'aq xe'raqe'k chi nujak ut toj wank ajwi' li xtzekemq sa' reheb',

Salmos 81:13 Jo'kan naq xeb'inkanab' sa' xkawilal li xjolomeb' re naq te'xb'aanu li x'alaak sa' xch'ooleb'.

Salmos 106:14 Naq wankeb' aran sa' li chaqich'och', k'ajo' naq ke'ok chi atawank, ut ke'xyal rix li Qaawa' sa' li junesal na'ajej.

Salmos 119:36 Tenq'ahin chi xk'eeb'al inch'ool chirix laawajom; ink'a' taxaq chinsik' li b'ihomal sa' b'alaq'.

Proverbios 1:19 A'an a'in li te'xk'ul eb' li neke'atawank b'ihomal: taasachq li xyu'ameb' xb'aan li k'aru neke'xrahi ru.

Proverbios 6:25 Maak'e aawib' chi q'unb'esiik xb'aan li xch'ina'usal, chi moko chakanab' aawib' chi xb'alaq'i xb'aan li rilob'aal.

Proverbios 15:27 Li narataw b'ihomo'k naxsach li xjunkab'lal; ab'an li ink'a' naraj tuminaak ru najtaq roq li xyu'am.

Proverbios 21:25,26 Laj q'em chixjunil nach'ume'k wi' xch'ool, ab'anan ink'a' naraj k'anjelak; 26 chixjunil naxrahi rajlal kutan. A'ut li tiik xch'ool nasihink chi maak'a' naxpatz' cho'q reeqaj.

Proverbios 28:16 Naq na'awab'ejink li ink'a' us xna'leb', nanumtaak li rahilal; ab'an li awab'ej li ink'a' narataw ru li b'ihomal, taanajto'q roq li xyu'am.

Isaías 56:11 Jo'eb' li tz'i' li junes wa'ak naxik wi' xch'ooleb' ut maajoq'e neke'nujak li xsa'eb', jo'kaneb' ajwi' laj k'amol b'e: ink'a' neke'xtaw xyaalal; li junjunq ak xb'e xb'e naxchap ut ka'ajwi' li k'aru us cho'q reheb' neke'xsik'.

Isaías 57:17 Xinjosq'o'k xb'aan naq k'ajo' li ratawom laj Israel; xinrahob'tesi ut xinmuq wib' chiru. Ab'an a'an xq'etq'eti rib' ut xkawub'resi xch'ool sa' li xjipil.

Jeremías 6:13 "Chixjunileb', jo' kok' ut ninqi poyanam, junes li k'aru us cho'q reheb' neke'xk'oxla; ut eb' li propeet jo'wi' eb' laj tij ka'ajwi' b'alaq'ik neke'xb'aanu chixjunileb'.

Jeremías 22:17 "A'ut laa'at a' li tumin naxik wi' laach'ool ut maak'a' nakawaj wi' chanru naq taataw; nakak'eheb' chi kamk li maak'a'eb' xmaak, ut nakarahob'tesi ut nakasacheb' laatenamit".

Jeremías 51:13 At Babilonia li wankat chire xninqal nima' ut k'ajo' laab'ihomal, ak xwulak xkutankil laasachik; maajoq'e chik tat-elq'aq.

Ezequiel 6:9 Eb' li te'kole'q tinjultiko'q reheb' sa'eb' li tenamit xe'k'ame'k wi'. Te'jultiko'q reheb' chanru naq xinrahob'tesiheb' xb'aan naq xe'xmux li xpaab'aaleb' ut xkoheb' xch'ool chirixeb' li jalanil yos. Eb' a'an te'xyib' rib' xb'aan li k'iila maa'usilal xe'xb'aanu jo'wi' xb'aan li jo'maajo'il b'aanuhem.

Ezequiel 14:4,5 Aatinaheb' ut ye reheb': «Jo'ka'in naxye li Qaawa': Wi junaq aj Israel naxq'axtesi rib' chi xloq'oninkil li jalanil yos ut k'ojk'o xch'ool chirix li nak'amok re chi maakob'k, ut chirix a'an taachalq chi patz'ok rik'in li propeet, laa'in, li Qaawa', tinsume jo' chanru xk'ulub' xb'aan xk'ihaleb' li xjalanil yos». 5 "Tintoch' xch'ooleb' laj Israel li xe'najto'k wik'in xb'aan chixjunileb' li xjalanil yoseb'.

Ezequiel 22:12 Wankeb' neke'tuminaak ru chi xkamsinkileb' li poyanam, ut numtajenaq ral li to' tumin neke'xpatz'; neke'xtawasi eb' li ras riitz'ineb' ut neke'xmaq' sa' josq'il li k'a'aq ru reheb', ut xine'xtz'ek laa'in chirix xch'ooleb' -chan li Qaawa'-.

Ezequiel 33:31 Ut chi jo'kan lintenamit neke'chalk ut neke'k'ojlaak chawu, jo' k'aynaqeb' chi xb'aanunkil, re rab'inkil laawaatin. Ab'anan ink'a' neke'xyu'ami. «Ch'ina'us li aatin a'in!», chankeb', ab'an yal chi xtz'uumal reheb' neke'xk'ulub'a, xb'aan naq li xch'ooleb' naxik ka'ajwi' chirix li tumin.

Oseas 4:12 Lintenamit neke'patz'ok rik'in jun tolol chi che' ut li xxuq'eb'

neke'sumenk reheb'. Xb'aan xmuxb'al li xpaab'aaleb' yo chi sachk lintenamit ut xe'xnajto'rib' rik'in li Qaawa' li xYoseb'.

Oseas 5:4 Li xtz'i'b'eetal aj b'aanuhomeb' li tenamit ink'a' nakanab'ank reheb' chi sutq'iik rik'in li xYoseb', xb'aan naq xnumtaak li xmaa'usilaleb' ut ink'a' neke'xnaw ru li Qaawa'.

Miqueas 2:2 Neke'rahink jalanil ch'och', ut neke'reechani; neke'rataw junaq ochoch, ut neke'relq'a. Neke'xrahob'tesi laj eechal junkab'al ut eb' li wankeb' chisa', li winq jo'wi' li k'aru re.

Nahum 3:4 Ut chixjunil a'in xk'ulmank xb'aan li xmaa'usilal li tenamit Nínive. A'an chanchan jun li ixq aj yumb'eet: k'ajo' li xch'ina'usal ut li xchaq'alil ru, ut k'aynaq chi tuulak. Rik'in li ko'b'eetak ut tuulak xb'aanu naab'aleb' li tenamit xe'b'alaq'iik.

Habacuc 2:9 Ra chaa'el sa' aab'een li xanujob'resi laawochoch rik'in li xawelq'a re raj xkolb'al aawib' chiru chixjunileb' li raaxiik'!

Mateo 5:28 A'ut laa'in ninye eere naq chixjunil li tixka'ya junaq ixq ut tixrahi ru, ak xmux a'an sa' xch'ool.

Marcos 4:19 ab'an li k'oxlak chirix li k'a'aq re ru wank sa' ruuchich'och', li nab'alaq'ink wi' li b'ihomal ut li ratawankil li k'a'aq chik re ru na'ok sa' xch'ooleb', naxnat' li Aatin ut ink'a' chik na'uuchink xb'aan.

Marcos 7:22 muxuk sumlaak, pixilal, maa'usilal, b'alaq'ik, tz'i'b'eetalil na'leb', kaqalik, majewank, q'etq'etil, maak'a'il na'leb'.

Lucas 3:14 Wankeb' ajwi' aj puub' ke'xpatz' re: —Ut laa'o, k'aru tento taaqab'aanu? Kichaq'ok a'an ut kixye reheb': —Maak'a' teemaq' re anihaq, mexjitok rik'in b'alaq'il aatin ut k'ojk'ooq leech'ool rik'in leetojb'al.

Lucas 12:15 Ut kixye reheb': —Chek'e reetal ut chekolaq eerib' chiru chixjunil li atawank, xb'aan naq, us ta numtajenaq li xb'ihomal junaq winq, moko taak'ehe'q ta xyu'am xb'aan li xjunkab'lal.

Lucas 16:14 Naq ke'rab'i chixjunil a'in eb' laj Pariseey, a'aneb' aj raholeb' ru li tumin, ke'ok chi reetz'unkil li Jesus.

Juan 8:44 Laa'ex rehex leeyuwa', a' laj tza, ut li naraj leeyuwa' a'an nekeraj xb'aanunkil. A'an aj kamsinel chalen chaq sa' xtiklajik, ut ink'a' kixkuy wank sa' li yaal, xb'aan naq maak'a' li yaal rik'in. Naq naxye li tik'ti', naxye li na'elk chaq rik'in, xb'aan naq aj tik'ti' ut xyuwa'il li tik'ti'.

Hechos 20:33 Laa'in ink'a' xinrahi xplaat, chi moko x'oor malaj xb'aatal anihaq.

Romanos 1:24-29 Jo'kan naq li Yos kixk'eheb' chi xb'aanunkil li narataw xch'ooleb', kixq'axtesihe' sa' xyib'al ru xmaa'usilaleb' toj ke'xmux li xtz'ejwaleb' chirib'ileb' rib': 25 eb' a'an ke'jalok re li tz'aqal Yos rik'in li tik'ti', ut a' chik li k'a'aq re ru yoob'tesinb'il ke'xnima ru ut ke'xloq'oni cho'q reeqaj laj Yoob'tesinel, li usilaatinanb'il chi junelik q'e kutan. Jo'kan taxaq. 26 Rik'in a'an li Yos kixq'axtesihe' sa' li xutaanalil na'leb' xb'aan naq li rixaqileb' ink'a' chik ke'raj wank rik'ineb', rik'in b'an chik li rech ixqilal ke'xb'aanu li moko uxk naraj. 27 Jo'kaneb' ajwi' li winq: ke'xkanab' wank rik'ineb' li rixaqil jo' teneb'anb'il sa' xb'eeneb', ut ke'tiqwo'k chik chirib'ileb' rib'; ke'xb'aanu li maa'usilal rik'ineb' li rech winqilal ut ke'xk'ul xq'ajkamunkil li xsachikeb' jo' tz'aqal xk'ulub'eb'. 28

Ink'a' ke'raj xk'uulankil sa' xch'ooleb' li yaal chirix li Yos, jo'kan naq ke'q'axtesiik xb'aan li Yos sa' li xmaa'us aj k'a'uxeb' re te'xb'aanu li moko uxk naraj. 29 Numtajenaq xyib'al ru li xmaa'usilaleb', lab' xch'ooleb', aj raholeb' ru b'ihomal, k'ajo' xmaa'usilaleb'; numtajenaqeb' chi aj kaqal, aj kamsineleb' ras riitz'in, aj wech'oneleb', aj b'alaq'eb', ink'a' us xna'leb'eb', aj mololeb' aatin,

Romanos 6:12 Jo'kan utan miwank chik xwankil li maak sa' leech'och'el sululel, meeb'aanu chik li k'aru naxrahi li tz'ejwalej.

Romanos 7:7 K'aru tqaye chi jo'kanan? Ma maak li Chaq'rab'? Ink'a'. Ab'anan laa'in ink'a' raj xinnaw li maak wi maak'a' ta li Chaq'rab'. Relik chi yaal naq ink'a' raj xinnaw xrahinkil ru li ink'a' us wi ta ink'a' naxye li Chaq'rab': "Maarahi ru li ink'a' us".

Romanos 13:9 Tz'iib'anb'il sa' li Santil Hu: "Chara laawas aawiitz'in jo' naq nakara aawib' laa'at". Sa' li chaq'rab' a'in neke'tz'aqlok ru chixjunileb' li xkomon, qayehaq: "Matmuxuk sumlaak, matkamsink, mat-elq'ak, matrahink ab'i e".

Romanos 13:14 Tiqib'omaq eerib' rik'in li Qaawa' Jesukriist, ut mixik eech'ool chirix li maa'usilal re xb'aanunkil li nalajxrahi ru li qach'ool.

1 Corintios 5:10,11 Ab'anan ink'a' xinye: Tik ink'a' texwanq sa' xyanqeb' laj ko'b'eet ut eb' laj yumb'eet li wankatqeb' sa' li ruuchich'och' a'in malaj rik'ineb' laj rahinel ru b'ihomal, rik'ineb' laj elq', laj loq'oninel li yal k'oxlanb'il yos. Wi ta jo'kan, tento raj tex'elq sa' ruuchich'och'! 11 Ink'a'! Li xintz'iib'a a'an a'in: Meejunaji eerib' rik'ineb' li "qas qiitz'in" neke'xk'ab'a'in, ut a'aneb' aj ko'b'eet, aj rahinel ru b'ihomal, aj loq'oninel li yal k'oxlanb'il yos, aj majewanel, aj kalajenaq malaj aj elq'. Chi moko chexwa'aq rik'ineb' a'an!

1 Corintios 6:9,10 Ma ink'a' nekenaw naq li ink'a' tiikeb' xch'ool ink'a' te'reechani li xnimajwal awab'ejihom li Yos? Meeb'alaq'i eerib'! Eb' laj ko'b'eet aj yumb'eet, eb' laj loq'oninel li yal k'oxlanb'il yos, eb' laj muxul sumlaak, eb' li ixqiwinq, eb' li neke'xb'aanu li maa'usilal rik'ineb' li rech winqilal rech ixqilal, 10 eb' laj elq', eb' laj rahinel ru b'ihomal, eb' laj kalajenaq, eb' laj majewanel, eb' laj maq'ol re ab'i e ink'a' te'reechani li xnimajwal awab'ejihom li Yos.

1 Corintios 10:6 Chixjunil a'an kik'ulmank jo' loq'laj eetalil cho'q qe, re naq ink'a' tqarahi ru li ink'a' us kama' naq eb' a'an ke'xrahi chaq ru.

1 Corintios 12:31 Cheq'axtesi leech'ool chi xsik'b'al li xningal ru eemaatan. Ut toj tink'ut cheru jun li b'e q'axal wi' chik chaab'il.

1 Corintios 14:39 Jo'kan utan, ex was wiitz'in, cheq'axtesi leech'ool chi xsik'b'al li maatan re aatinak jo' propeet, ut meeram li aatinak sa' jalanil aatin.

2 Corintios 9:5 Jo'kan utan, xink'oxla naq tento xtza'amankil chiruheb' li qiitz'in a'an naq che'xikaq eerik'in xb'enwa, toj moqon tinxik laa'in, re xkawresinkil leekub'siil ak yeechi'inb'il eeb'aan. Chi jo'kan yo'oon wanq jo' tz'aqal mayej ut ink'a' jo' yal k'eeb'il xb'aan xpixil eech'ool.

Gálatas 5:16-20 Chineerab'i: chexb'eeq rub'el xwankil li Musiq'ej, ut chi jo'kan ink'a' teeb'aanu li naxrahi ru li tz'ejwalej. 17 Xb'aan naq li k'aru naxrahi li musiq'ej xik' na'ile'k xb'aan li tz'ejwalej ut li naxrahi li tz'ejwalej xik' na'ile'k xb'aan li musiq'ej: eb' li wiib' a'in xik' neke'ril rib' chirib'ileb' rib', jo'kan naq laa'ex

ink'a' nekeb'aanu li us li nekeraj raj xb'aanunkil. 18 Ab'anan wi b'eresinb'ilex xb'aan li Musiq'ej, moko wankex ta rub'el xwankil li Chaq'rab'. 19 Nawno chi us k'aru nachalk rik'in li tz'ejwalej: ko'b'eetak yumb'eetak, muxuk ib', jo'maajo'il wank, 20 xloq'oninkil li yal k'oxlanb'il yos, tuulak, xik'il uuchink, po'ok ru junajil, kaqalik, josq'ink, yoob'ank raaxiik', wech'ij ib', jachok ib',

Gálatas 5:24 Ut eb' li reheb' li Kriist xe'xk'e chiru krus li tz'ejwalej jo' ajwi' li k'aru naxrahi ut narataw ru.

Efesios 2:1-3 Junxil laa'ex kamenaqex chaq sa' leemaa'usilal ut sa' leemaak. 2 Xexwanje'k chaq jo' chanru xna'leb' li ruuchich'och' a'in ut xetaaqe laj taqlanel li wank xwankil sa' li iq', a' li musiq'ej li yo chi k'anjelak rik'ineb' laj q'etol aatin. 3 Sa' xyanqeb' a'an xoowank ajwi' chiqajunilo junxil: nawulak chiqu li naxrahi li qatz'ejwal, naqab'aanu li naraj li tz'ejwalej ut li ink'a' usil na'leb'; jo'kan naq xoowank chaq rub'el xjosq'il li Yos kama'eb' li junch'ol.

Efesios 4:19 Eb' a'an maak'a' chik neke'reek'a sa' li raanmeb', xe'xq'axtesi b'an rib' chi wank sa' li jo'maajo'il na'leb', k'ajo' naq neke'xyal xq'e chi xb'aanunkil chixjunil li k'a'aq re ru chi maa'usilal.

Efesios 4:22-27 Xetzol risinkil cherix li na'leb' keroksi junxil, a' li najteril winq li naq'aak rik'in li naq'unb'esiik wi' xb'aan li ruuchich'och'. 23 Ak'ob'resinb'ilaq taxaq leek'a'uxl xb'aan li Musiq'ej 24 ut tiqtoogex rik'in li Ak' Winq yoob'tesinb'il jo' xjalam u li Yos, sa' li tiikilal ut santilal li nachalk sa' xk'ab'a' li yaal. 25 Jo'kan utan, tz'eqtaanahomaq li tik'ti', cheye li yaal chejunjunqal reheb' leeras eeriitz'in, xb'aan naq qacha'al qib' chiqib'il qib'. 26 Wi texjosq'oq, k'ehomaq reetal naq mexmaakob'k; mixulq'i li saq'e chi toj yooq leejosq'il, 27 chi moko chek'e xna'aj laj tza eerik'in.

Efesios 5:3 Li ko'b'eetak yumb'eetak ut chixjunil li maa'usilal malaj xrahinkil ru li b'ihomal chi moko chi'ab'imanq sa' eeyanq, xb'aan naq moko xk'ulub'eb' ta chik eb' laj santil paab'anel.

Efesios 5:5 Chiwanq sa' eech'ool naq maajun aj ko'b'eet aj yumb'eet, aj muxul rib' malaj aj rahol ru b'ihomal (a'an juntaq'eet rik'in li jalan loq'onink) taatz'aqonq sa' li xnimajwal awab'ejihom li Kriist jo'wi' re li Yos.

Colosenses 3:5 Jo'kan b'i', k'ehomaq chi kamk li ruuchich'och'il na'leb' wank eerik'in: li ko'b'eetak yumb'eetak, li muxuk ib', li xk'oxlankil li maa'usilal, li xrahinkil ru li ink'a' us ut li ratawankil ru li b'ihomal, a'an juntaq'eet rik'in li jalanil loq'onink.

1 Tesalonicenses 2:5 Nekenaw chi us naq maajun wa xoo'aatinak yal re eeq'unb'esinkil chi moko yal sa' xk'ab'a' rahok ru ab'i e. Li Yos naxnaw a'an.

1 Tesalonicenses 4:3-7 A'an a'in li rajom li Yos: naq chexwanq sa' santilal chi ink'a' tex'okenq chi ko'b'eetak yumb'eetak; 4 li junjunq sa' eeyanq chixnaw wank rik'in li rixaqil sa' santilal ut loq'al, 5 ut ink'a' k'amb'ilaq yal xb'aan ratawankil ru malaj xb'aan li yib' aj na'leb', jo' neke'xb'aanu eb' li junch'ol li ink'a' neke'xnaw ru li Yos. 6 Maa'ani chimaakob'q chiru li ras riitz'in rik'in li na'leb' a'in chi moko chinumtaa sa' xb'een, xb'aan naq li Yos aj eeqajunel re chixjunil a'in, jo' ak yeeb'il ut ch'olob'anb'il cheru qab'aan. 7 Li Yos ink'a' xooxb'oq chi wank

sa' tz'ajnij ib', sa' santilal b'an wanqo.

- 1 Timoteo 3:3 maawa'aq aj kalajenaq, chi moko aj raholaq ru tumin malaj aj yoob'anel raaxiik', nimaq b'an xkuyum ut tuulanaq.
- 1 Timoteo 3:8 Jo'kanaqeb' ajwi' li diákono, tento naq tiikaqeb' xch'ool, maawa'aqeb' aj ka'pak'al u, aj rahol ru b'iin chi moko aj sik'ol b'ihomal sa' b'alaq',
- 1 Timoteo 6:9,10 A'ut eb' li neke'raj b'ihomo'k, neke'xk'e rib' chi aaleek ut te't'ane'q sa' li ra'al, sa' k'iila paay chi kaqalik q'axal yib'eb' ru ut maak'a' na'ok wi': eb' a'an neke'k'amok reheb' li winq sa' li sachleb'aal ut sa' li lajk-oso'k. 10 Xb'aan naq li xxe' chixjunil li maa'usilal a'an li xrahinkil ru li tumin. Wankeb' xkoheb' xch'ool chirix a'an; jo'kan naq xe'elk sa' li paab'aal, ut xiikil li rahilal xe'tawasiik wi'.
- 2 Timoteo 2:22 Tz'eqtaana chixjunil li naxik wi' xch'ooleb' li saaj al ut k'e aach'ool chirix li tiikilal, li paab'aal, li rahok, li tuqtuukilal, sa' junajil rik'ineb' li neke'yaab'ank re xk'ab'a' li Qaawa' chi saqeb' ru li xch'ool.
- 2 Timoteo 3:2 Eb' li winq junes reheb' te'raj, te'xrahi ru li tumin, te'xnimob'resihatq xwankileb', te'xq'etq'eti rib'eb', aj majewanelaqeb', aj q'etolaqeb' raatin xna' xyuwa', maak'a' chik te'xnaw xyoxinkil ut te'xtz'eqtaana li paab'ank.
- 2 Timoteo 3:6 Sa' xyanqeb' a'an wankeb' li neke'xch'ik rib' chire kab'lal ut neke'xchap eb' li mem aj ixq q'axaleb' aj maak, nachiq'chotk li xch'ooleb' xb'aan xrahinkil ru chixjunil li k'a'aq chi maa'usilal.
- 2 Timoteo 4:3 Xb'aan naq taawulaq xq'ehil naq eb' li tenamit ink'a' chik te'raj rab'inkil li chaab'il na'leb' ut, xb'aan xrahinkil li k'aru neke'raj xch'ool, q'esaq xxik chi rab'inkil k'iila na'leb', te'sute'q xb'aan jun tuub' chi aj tzolonel;
- Tito 2:12 naxk'ut chiqu xtz'eqtaanankil li maa'usilal ut li narahimank ru sa' ruuchich'och', sa' xyaalal b'an chiwanq li qayu'am, sa' tiikilal ut paab'ank sa' li ruuchich'och' a'in.
- Tito 3:3 Xb'aan naq junxil xoowank ajwi' chaq laa'o sa' xmaak'a'il qana'leb' ut sa' li q'etb'a aatin; xqak'e qib' chi b'alaq'iik, b'ak'b'ooko chaq chi k'anjelak chiru yalaq k'a' chi maa'usilal nawulak chiru li tz'ejwalej, xqanumsi li kutan chi lab'alink ut kaqalink, tz'eqtaananb'ilo jo'wi' naqatz'eqtaana chaq qib' chiqib'il qib'.
- Hebreos 13:5 Mexrahink li b'ihomal, k'ojk'ooq b'an eech'ool rik'in li k'aru wank eere, xb'aan naq li Yos kixye: "Ink'a' tatinkanab' chi moko tatintz'eq chirix inch'ool".
- Santiago 1:14,15 Li aaleek nachalk sa' xb'een li junjunq naq naq'unb'esiik ut nak'ame'k xb'aan xrahinkil ru li maa'usilal. 15 Chirix chik a'an li xrahinkil ru li maa'usilal nasiyank ut narala li maak, ut li maak, naq ak xtz'aqlok ru, naxk'am chaq li kamk.
- Santiago 4:1-5 B'ar nachalk chaq li raaxiik' ut li ch'e'oj ib' wank sa' eeyanq? Ma ink'a' tab'i' nachalk xb'aan li maa'usilal naxamnak sa' leejunxaqalil? 2 Nekex'atawank, ut maak'a' neketaw; jo'kan naq nekexkamsink. Nekexkaqalik, ut wi ink'a' nekexru chi xtawb'al eere, nekeyal eeru ut nekech'e' eerib'. Maak'a' wank eere xb'aan naq ink'a' nekextz'aamank. 3 Nekextz'aamank ut ink'a'

neke'x'uluk xb'aan naq ink'a' nekextz'aamank chi chaab'il: yal nekeraj xsachb'al chixjunil rik'in li k'aru naxrahi xb'aanunkil li tz'ejwalej. 4 Ex aj muxul paab'aal! Ma ink'a' nekenaw naq li wank sa' usilal rik'in li ruuchich'och', a'an wank sa' raaxiik' rik'in li Yos? Yalaq ani naraj wank sa' usilal rik'in li ruuchich'och', tixk'e rib' sa' raaxiik' rik'in li Yos. 5 Ma nekek'oxla naq maak'a' rajb'al li naxye li Santil Hu: "Li Yos q'axal naxra li musiq'ej, li kixk'e chi wank qik'in"?

- 1 Pedro 1:14 Jo'qex li alal k'ajolb'ej neke'paab'ank, meek'e chik eech'ool chirix li xerahi chaq ru junxil naq toj wankex chaq sa' xmajelal leena'leb'.
- 1 Pedro 2:11 Ex inraham, laa'ex maawa'ex aj arin, yal b'an aj numelex. Nintz'aama cheru naq mex'okenk chi xb'aanunkil li naxrahi li tz'ejwalej, li xik' naril li aanmej.
- 1 Pedro 4:2-4 re naq jo' najtil chik twanq sa' ruuchich'och' ink'a' chik taawanq jo' naxrahi li tz'ejwalej, jo' b'an chik naraj li Yos. 3 Ak naab'al li kutan xenumsi chaq chi xb'aanunkil li nawulak chiruheb' li ink'a' neke'paab'ank: xexwank sa' li jo'maajo'il na'leb', jo' li naxrahi li tz'ejwalej, rik'in num uk'ak num wa'ak, rik'in kalaak ut xloq'oninkileb' ru li yal k'oxlanb'il yos: a'an ink'a' naru xb'aanunkil. 4 Jo'kan naq eb' a'an neke'sachk xch'ool chi rilb'al naq maawa'ex chik jun chi okenk chirixeb' sa' li xmaa'usilaleb', k'ajo' naq yookeb' chehob'b'al:
- 2 Pedro 1:4 Sa' xk'ab'a'eb' a'an xqamaatani chixjunil li kiyeechi'iik chaq chi junxilaj, a'an li q'axal nim ut loq', re naq chi jo'kan tex'eleliq chiru li maa'usilal li wank sa' ruuchich'och' xb'aan li yib' aj k'a'uxl, jo' ajwi' re textz'aqonq sa' li xyu'am li Yos.
- 2 Pedro 2:3 Xb'aan xraab'al ru li tumin te'yakoq cherix rik'in b'alaq'il aatin; a'ut chalen junxil yo'oon wank li raqb'a aatin sa' xb'eeneb', ut li roso'jikeb' moko warenaq ta.
- 2 Pedro 2:9-19 Jo'kan utan, chixjunil a'in a'an reetalil naq li Yos naxnaw xkolb'aleb' laj paab'anel chiru li aaleek; a'ut eb' li ink'a' neke'paab'ank, naxk'uulaheb' cho'q re xkutankil li raqb'a aatin naq te'rahob'tesiiq: 10 ut xb'een xb'een tixk'eheb' sa' tojb'amaak li neke'xik xch'ool chirix li tz'ejwalej, a'aneb' li neke'xrahi li tz'ajb'eetalil na'leb' ut neke'xtz'eqtaana li xwankil li Qaawa'. Eb' a'in eet xch'ooleb', q'etq'eteb', ink'a' neke'xiwak xmajewankil li wankeb' sa' xnimajwal loq'al; 11 a' wi' chik eb' li anjel li neke'xq'ax ruheb' rik'ineb' xmetz'ew ut xwankil, ink'a' neke'raqok aatin sa' xb'eeneb' rik'in majewank chiru li Qaawa'. 12 A'ut eb' a'in chanchaneb' li xul maak'a'eb' xna'leb', li yal reheb' chape'k ut kamsiik naq xe'yo'laak chaq: neke'xmajewa li k'aru ink'a' neke'xnaw, ut te'kamq jo' nakamsiik junaq xul. 13 Te'xk'ul li rahilal jo' reeqaj li rahilal xe'xb'aanu. Neke'xk'oxla naq li tz'aqal sahil ch'oolej a'an xyalb'al li maa'usilal yal chiru jun kutan. Eb' li winq a'in ak xmuxumeb' rib' ut maak'a'eb' xxutaan: neke'xq'axtesi rib' sa' li nawulak chiruheb' naq yookeb' chi ninq'ehik eerochb'eeneb'. 14 Ka'aj chik maa neke'xtiw eb' li ixq rik'in xsa' ruheb', tik ink'a' nak'ojlaak xch'ooleb' chi maakob'k; neke'xq'unb'esi li q'uneb' xch'ool, ak k'aynaqeb' chi xrahinkil ru li b'ihomal, maa'usilanb'ileb' chi junajwa! 15 Naq xe'xkanab' li tiikil b'e, xe'sachk

ut a' chik li xb'e laj Balaham, ralal laj Bosor, xe'ok chi xtaaquenkil: a'an kixra ru xk'ulb'al li tumin rik'in xb'aanunkil li maa'usilal, 16 ab'an kiq'use'k xb'aan naq kiq'etok aatin: jun li xul aj iiqom ut mem ki'aatinak rik'in xyaab' xkux winq, ut chi jo'kan kirame'k li xmemil li propeet a'an. 17 A'aneb' chanchaneb' li roqha' chaqijenageb', chanchaneb' li choql k'amb'ileb' xb'aan li kaqsut-iq': oyb'eninb'ileb' sa' xchamal li aak'ab'. 18 Neke'aatinak rik'in xningal ru aatin sa' xmajelal xna'leb'eb'; ut rik'in li naxrahi li tz'ejwalej jo'wi' rik'in li wank chi jo'maajo', neke'xq'unb'esi eb' li toja' xe'elk chaq sa' xyanqeb' li wankeb' sa' li ink'a' usil na'leb'. 19 Neke'xyeechi'i reheb' wank chi ach'ab'anb'il, a'ut eb' a'an wankeb' rub'el xwankil li maa'usilal, xb'aan naq relik chi yaal naq yalaq k'a' re ru nanumtaak sa' xb'een li winq, a'an eechaninb'il wi' li winq a'an.

2 Pedro 3:3 Chenawaq xyaalal a'in xb'enwa: naq sa' roso'jikeb' li kutan te'chalje'q winq tz'aqal aj eetz'uneleb', li te'xb'aanu li naxrahi li tz'ejwalej:

1 Juan 2:15-17 Meera li ruuchich'och' chi moko li k'a'aq re ru wank sa' ruuchich'och'. Wi wank junaq naxra li ruuchich'och', moko wank ta li xraham li Yuwa'b'ej rik'in. 16 Xb'aan naq chixjunil li k'a'aq re ru wank sa' ruuchich'och' (li ratawankil li naraj li tz'ejwalej, li ratawankil li naraj li xsa' uhej ut li q'etq'etil xb'aan li b'ihomal) moko rik'in ta li Yuwa'b'ej nachalk, rik'in b'an li ruuchich'och'. 17 Li ruuchich'och' ut li na'atawaak xb'aan, yal aj numeleb'; a'ut li nab'aanunk re li rajom li Yos a'an wanq chi junelik.

Judas 1:11 Ra chaalel sa' xb'eeneb', xb'aan naq xkoheb' sa' xb'e laj Kaín. Xb'aan li tumin xe'xq'axtesi rib' sa' li kib'alaq'iik wi' laj Balaham, ut xe'oso'k sa' li xq'etb'a aatin laj Koré.

Judas 1:15-19 Kol'elq chi raqok aatin sa' xb'eeneb' chixjunileb' jo' ajwi' chi xch'olob'ankil chiru chixjunileb' laj q'etol aatin eb' li xyib' aj b'aanuhomeb' ut chixjunil li xik' aj aatin xyehomeb' chirix li Qaawa' eb' laj maak a'in yib'ru xna'leb'eb'". 16 Eb' a'in aj wech'oneleb', maak'a' nawulak chiruheb'; wankeb' jo' naraj li tz'ejwalej. Neke'aatinak re xnimob'resinkil rib'eb' ut neke'q'unb'esink yal re xk'ulb'al li k'aru neke'raj. 17 A'ut laa'ex raarookex inb'aan, chinaq sa' eech'ool li aatin ke'xye chaq eb' li x'apóstol li Qaawa' Jesukriist: 18 "Sa' roso'jikeb' li kutan -chankeb' chaq eere- te'waklije'q chaq li winq li te'xse'e xaq chixjunil ut te'wanq jo' taqlanb'ileb' xb'aan li xyib' aj na'leb'". 19 A'aneb' a'in li neke'yoob'ank jachok ib', aj raholeb' ru li ruuchich'och'il na'leb', ut maak'a' li Musiq'ej rik'ineb'.

Apocalipsis 18:14 Ut te'xye re li tenamit: "Eb' li ki'il q'een natzemtzot wi' aach'ool xe'sachk chawu; chixjunil li xchaq'al ru ut li q'axal loq' ak xraqe'k cho'q aawe ut maajoq'e chik taatawmanq".